



**SIARAN AKHBAR  
KEMENTERIAN KEWANGAN**

**SIARAN AKHBAR MENGENAI PENGGUNAAN  
*CODE OF ETHICS FOR PROFESSIONAL ACCOUNTANTS* YANG DIKELUARKAN OLEH  
*INTERNATIONAL ETHICS STANDARDS BOARD FOR ACCOUNTANTS (IESBA) OF  
INTERNATIONAL FEDERATION OF ACCOUNTANTS (IFAC)*  
BAGI AKAUNTAN-AKAUNTAN AWAM DAN AKAUNTAN-AKAUNTAN PROFESIONAL  
DI NEGARA BRUNEI DARUSSALAM**

Public Accountants Oversight Committee (PAOC) sukacita memaklumkan bahawa Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam telah mengurniakan titah perkenan bagi Negara Brunei Darussalam menggunakan *Code of Ethics for Professional Accountants* yang dikeluarkan oleh *International Ethics Standards Board for Accountants (IESBA) of the International Federation of Accountants (IFAC)* sebagai kod etika kerja bagi akauntan-akauntan awam dan akauntan-akauntan profesional di Negara Brunei Darussalam yang mula berkuatkuasa pada **1 Januari 2017**.

Bidang kerja akauntan-akauntan awam dan akauntan-akauntan profesional amat memerlukan tahap etika yang tinggi. Pihak-pihak yang berkepentingan sangat bergantung kepada jaminan-jaminan yang diberikan oleh akauntan-akauntan awam terhadap laporan-laporan kewangan yang disediakan oleh akauntan-akauntan profesional. Oleh yang demikian, objektif utama penggunaan *Code of Ethics for Professional Accountants* adalah untuk memastikan bahawa akauntan-akauntan awam dan akauntan-akauntan profesional di Negara Brunei Darussalam terikat dengannya, di mana laporan-laporan kewangan yang disediakan adalah memberikan gambaran yang benar dan saksama (*true and fair view*) mengenai kedudukan kewangan syarikat-syarikat dan perniagaan-perniagaan di negara ini.

Pengetahuan mengenai etika juga akan boleh membantu akauntan-akauntan awam dan akauntan-akauntan profesional untuk mengatasi dilema yang berkaitan dengan etika, yang seterusnya membenarkan pilihan-pilihan yang betul diambil, yang bukan sahaja akan memberikan manfaat kepada syarikat-syarikat dan perniagaan-perniagaan tetapi juga kepada orang ramai yang bergantung kepada laporan-laporan yang disediakan oleh mereka.

Public Accountants Oversight Committee (PAOC)  
Tarikh: 10 Januari 2017

